




PAROKIA DAKOTA

Aruba

248.3


CINC

BIBLIOTECA NACIONAL ARUBA



3 0993 00261 078 0

1959-2009



Pastoor Wijbe Fransen

Pastoor Fransen a guia e parokia di Dakota, for di mei 1974 te cu mei 1983. Pues nos ta mira cu nuebe aña largo Pastoor Fransen a sirbi e pueblo di Dakota y vecindario.

Pastoor Fransen tabata duna les di catisashi tur siman den 6de klas di schoolnan basico di Dakota.

E tabata organisa anochinan pa mayornan di e muchanan cu tabata prepara pa nan prome Santa Comunion.

Pastoor tabata miembro di Osticeba, e organisacion cu tabata stimula e trabao na bienestar di nos hubentud na Centro di Bario y Deporte Dakota. Na e apertura oficial di e centro ey, Pastoor tabata presente.

E ta mira como e logronan principal cerca e fielnan di e parokia, e participacion mas activo di e fielnan y e cooperacion mas intenso cu e laiconan. Tabatin tambe mas conscientisacion di fe, por ehempel pa medio di cursonan semanal di Bijbel, specialmente tocante lecturanan di e diadomingo cu lo sigui.

Por bisa cu e participacion di e fielnan a crece, pero atencencia na curso di Bijbel despues a keda poco.

Durante e periodo di nuebe aña tabatin algun cambio y

inovacion importante den e parti fisico di e misa. A construi e pilar di kapel di bautismo. E fuente bautismal mes a muda for di e capiya patras y a bay na e presbiterio. Esaki sigur tabata un alivio pa e famianan y conocirnan na ora di bautismo. Especialmente ora tin hopo mucha ta batisa.

Tabatin hopi espacio den e bankinan pa tur presente y tur hende tin un bon bista di e ceremonia. Misa a haya un verf cu un colect di cas pa cas, tambe na e casnan leu for di misa. Esaki tambe ta un manera pa e parokianonan sinti nan mes mas involvi cu nan misa. Un problema poco fastioso a haya un solucion door di instalacion di “screens” pafo pa proteha e bentananan. A yega un fin na kibramento di e precioso bentananan di glas-den-lood door di piedra of bala. Por cierto, reemplasa un di e bentananan aki ta algo basta costoso.

Bida spiritual sigur a haya atencion tambe. Cursonan regular di bijbel, fielnan cu ta sirbi como lector y partido di Santa Comunion. E meta ta pa logra participacion activo di tur miembro di Curpa di Cristo.